



# COMUNE DE PÀDRIA

## *PROVÌNTZIA DE TÀTARI*

# REGULAMENTU DE SA LUDOTECA COMUNALE

Aprovadu cun deliberatzione de su Consìgiu comunale n. 13 de su  
26/07/2014 intradu in vigèntzia in data 07/08/2014

## **Art. 1 Definitzioone e Finalidades**

Sa ludoteca est unu logu finalizadu a sa promotzioone e difusione de sa cultura de su giogu e de sos giogos. In acordu cun sa famìllia e cun sos servìtzios educativos, favoresset sa crèschida psicològica de sos sugetos in edade de isvilupu, ca, pro mèdiu de las esperientzas de su giogu, sos pitzinnoe e sos piseddos isperimentant e isvilupant las capatzidades cognitivas e afetivas, relatzionales e comunicativas, iscobèrrende sos interessos pròpios e las atitudines.

Sa ludoteca est unu logu de incontru non solu pro sos pitzinnoe ma puru pro sos babbos e mamas e donnosmannos.

Sa ludoteca frunit unu servìtziu de prèstidu de su giogu e organizat laboratòrios pro las fàscias de edade diferentes, laboratòrios fìgios-babbos e mamas, abojos de sustennu a sos babbos e mamas e festas.

Sa ludoteca podet acumprire a una funzione importante pro fatzilitare s'integratzone de sos minores in situatzone de discumbèniu psico-sotziale o disabilidade.

Sa ludoteca favoresset sa sotzializatzone, las capatzidades creativas e espressivas e s'isvilupu de s'autònòmia de pitzinnoe e piseddos.

Sa ludoteca promovet puru s'educatzone a las règulas pro istare paris, a la cooperatzione, a s'aguantu.

## **Art. 2 Oràrios de abertura a su pùblicu e calendàriu annuale**

Sa ludoteca est aberta pro totu las fàscias de edade dae su martis a su sàbadu mangianu. In su perìodu iscolàsticu dae las 17.30 a las 19.30. In su perìodu estivu dae las 10.00 a las 13.00. Su sàbadu a borta de die e las domìnigas, a manera indipendente dae los oràrios de abertura, podet èssere prenotada pro las festas de compleannu o de classe.

Sa ludoteca aberit in su mese de ghennàrgiu e serrat su 31 de nadale.

## **Art. 3 Càbida**

Sa ludoteca podet istrangiare, in sos locales a parte de intro, a su màssimu binti pitzinnoe prus acumpangiadores relativos (màssimu deghe mannos).

## **Art. 4 Collaboratzione cun las iscolas, Assòtzios**

Sa ludoteca collaborat cun las iscolas e los Assòtzios isportivos, culturales e educativos presentes in su territoriu comunale pro garantire unu sistema formativu integradu. Los Assòtzios chi cherent presentare unu progetu de acumprire in ludoteca devent leare cuntatos cun su servìtziu sotziale comunale.

Las iscolas de s'infàntzia e primària podent:

- Visitare sa ludoteca in oràriu a parte de mangianu bastat chi si leent accordos telefònicos cun la ludotecària comunale;
- Cunsertare s'impitu de sa ludoteca cando est serrada a su pùblicu pro atividade de sustennu a s'handicapo laboratòrios de afortiada de s'oferta formativa. Sa rechesta cheret imbiada in forma iscrita a s'ufitziu servìtzios sotziales comunales;
- Benefiziare de su prèstidu de los giogos in iscola.

In occasione de visitas de classes/setziones a intro de sa ludoteca sa responsabilidade de sa vigilàntzia subra de sos minores, abarrat a càrrigu de sos mastros acumpangiadores comente pro cale si siat atividade esterna a sos locales iscolàsticos.

## **Art. 5** **Modalidade de atzessu e iscritzione**

Sa ludoteca acollit pitzinnos chi ant dae sos chimbe a sos trèighi annos de edade.

Sos pitzinnos prus picocos de sos chimbe annos podent atzèdere bastat chi siant acumpangiados dae su babbu o mama o dae unu mannu chi devet abarrare in s'istrutura pro totu su tempus chi b'abarrat su pitzinnu.

Pro atzèdere a sa ludoteca bisòngiat a èssere iscritos.

S'iscritzione podet èssere fata solu dae su babbu o dae sa mama de sos pitzinnos o dae chie los representat.

Su babbu o mama in su momentu de s'iscritzione devent cumpilare:

- Ischeda de iscritzione cun sos datos de su pitzinnu e unu nùmeru de telèfono de pòdere giamare;
- Autorizazione pro su cunsensu a fàghere fotografias e vídeo;
- Dare una fornidura de cosas chi si consumant (*carta igienica*, abba, tatzas, etz..) o materiales de cantzilleria.

S'atzessu a sa ludoteca est gratùitu.

## **Art. 6 Prestidu de sos giògos**

Est prevìdidu su servìtziu de prèstidu pro sos giògos comporados a manera apòsita. Si podet leare in prèstidu unu giògu a sa borta pro tres dies ebbia.

Su prèstidu podet èssere annoadu una borta ebbia.

Chie leat in prèstidu unu giogu est responsabile de lu remonire.

Dàbiles dannos o pèrdida de partes de su giògu (o de totu su giògu) cajonat su càmbiu a càrrigu de s'impitadore.

## **Art. 7 Festas de classe e festas de compleannu**

In su perìodu de abertura de su servìtziu o in sas dies de sàbadu a borta de die e domìniga, si podet prenotare sa ludoteca pro fàghere festas de compleannu o àteras festas presentende rechesta iscrita in Comune o a manera dereta in ludoteca in sos oràrios de abertura a su públicu.

S'innétadura de su locale sunt a càrrigu de sos impitadores gasi comente sos materiales chi si consumat (es. *carta igienica*, abba, tatzas...) chi ant a dèvere èssere batidos in su momentu de sa prenotazzione. Non si podet impitare su materiale chi est de s'istrutura e sa cantzellèria de sa ludoteca. Sa farta de osservàntzia cajonat su rembursu dae parte de su rechedente.

Sos impitadores s'impinnant a:

- Garantire sa presèntzia de a su mancus unu mannu durante sa festa;
- Istar atentos a sos pitzinnos e istare atentos e tènnere contu sos locales e de sas atretzaduras durante sa festa, - Pònnere a postu e liberare sos tretos impitados pro unu dàbile cumbidu;
- Tènnere a cunsideru sa càbida màssima de sos tretos, comente ispetzificadu in s'art.3 de custu regulamentu;
- leare·si a càrrigu pròpiu cale si siat genia de responsabilidade pro dannos cajonados a sas istruturas e atretzaduras, a sos impitadores o àteros e a sas cosas issoro durante s'acumprida de sa festa esonerende s'Amministratzione Comunale da onni e cale si siat responsabilidade.

## **Art. 8 Normas de Preventzio e Seguresa**

Sos impitadores de sa ludoteca sunt cobertos dae politza assegurativa de responsabilidade tzivile durante sos oràrios de abertura a su pùblicu.

S'Ente gestore, in sos oràrios de abertura dae cuntratu, pro mèdiu de politza assegurativa de responsabilidade tzivile cara a àteros, at a garantire, puru, s'indennizu pro danno cajonados sena lu chèrrere a àteros, ligados a sa propriedade pro su fràigu e de sos impiantos.

Sos operadores de sa ludoteca istant atentos a su cumpormentu de sos impitadores, a s'impitu curretu e a remonire sos giògos e sos materiales de giògu.

Est proibidu a faeddare a manera pagu garbosa a sas pessones (paràulas malas, faeddare a boghe arta, ofesas, ària de superioridade e arrogàntzia, paràulas feas ).

Est proibidu a manera assoluta a si cumpormentare a manera agressiva (a si corpare, minetzare e a s'isfidare). Sos impitadores devent respetare su decoru de sa Ludoteca, non devent cajonare danno a s'istrutura, a sos giògos e a sos trastes de propriedade de sa ludoteca matessi.

Sa farta de osservàntzia de una cale si siat de sas dispositziones indicadas in custu Regulamentu cajonat sa suspensione dae sas atividades de sa Ludoteca pro unu perìodu chi chi mudat dae una die finas a unu mese, cunforma a sa gravidate de sa mancàntzia.

S'Amministratzione comunale no est responsabile in casu de furas o danno de trastes personales chi bi diant pòdere èssere in su tempus de permanèntzia in ludoteca.

Sos giògos ant sos rechisidos prevìdidos dae sa normativa europea in vigèntzia.

Sos trastes chi bi sunt in ludoteca respectant sas normas de seguresa in vigèntzia.

## **Art. 9 Monitoràgiu e Documentatzione**

Su servìtziu de ludoteca, a norma de su D.M. 31/12/1983, est unu servìtziu pùblicu a dimanda individuale pro su cale su Comune devet rechèdere sa contributzione a sos impitadores, puru a caràtere non generalizadu, cunforma a s'art. ses de su D.L. 55/1983.

Sas tarifas annuale ant a èssere apostivigadas dae sa Giunta Comunale cun deliberazione pròpia.

S'Amministratzione Comunale, pro mèdiu de s'operadore incàrrigadu a s'abertura de sa ludoteca acumprit a su monitoràgiu relativu a sa freqüèntzia, a sas atividades e a su gradimentu dae parte de sos impitadores.

Pro custu sa ludoteca contivìggiat sa cumplituzione e sa remonida de:

- Unu registru annuale de sas iscritziones;
- Un'ischeda giornaliera de sas presèntzias;
- Unu calendàriu mensile de sas atividades propostas;
- Unu calendàriu mensile de sas festas de compleannu o de classe;
- Unu registru de su prestidu de sos giògos;

Sa ludotecària contivìggiat puru sa documentatzione de totu sas atividades propostas pro mèdiu de s'ammaniadura de filmados, fotografías e mustra de sos traballos de sos pitzinnos.

## **Art. 10 Impitu**

Onniunu devet pònnere in òrdine totu cussu chi impiat giògos, libros, trastes, cantzilleria sunt de totus e mèritant respetu e contivìgiu.

Su cumpormentu durante sa permanèntzia in ludoteca at a dèvere èssere educadu e respetosu de sos àteros impitadores.

Si unu traste, unu móibile o parte de custos, siant arruinados dae un'impitu non pròpiu dae parte de s'impitadore, custu ùrtimu lu devet remplasare o acontzare.

In casu de brigas, amus a abituare sos pitzinnos a agatare un'acordu a manera dereta tra issos in paghe e faeddende. Est bene chi sos pitzinnos si pòngiant de acordu tra issos sena chi

interbèngiant sos babbos e mamas, a fora chi custu siat netzessàriu.

Sos educadores presentes si riservant de cuntatare sos babbos e mamas in casu chi sos pitzinnos cando sunt in sa ludoteca apant unu cumportamentu no adecuadu.

### **Art. 11 Laboratorijs**

Durante s'annu sunt propostas atividades de laboratorijs gratùitas, pro sas cales est netzessària s'iscrizione a sa ludoteca. Custas atividades sunt publitzizadas a intro de sa ludoteca matessi, in su giassu de su Comune e pro mèdiu de s'imbìu de e-mail a sos impitadores interessados.

### **Art. 12 Donatziones**

Sa ludoteca atzetat donatziones de giògos e libros in condizioni bonas.

### **Art. 13 Normas finales**

Pro cantu no est cuntempladu a manera ladina, si faghet riferimentu a sas normas de lege.

### **Art. 14 Intrada in vigèntzia**

Custu Regulamentu intrat in vigèntzia sa die matessi de s'esecutividade de sa delibera de aprovatzione.